

## Papia 2 Jon da Mandagıt

*But piso gen*

Amin morapmi da Jon Yesu dakon paŋdetni uŋun da mani aŋkisibiŋek iyi do 'kila amin kinda' yaŋ yaŋek papia on mandagıt yaŋ nandaŋ. Papia on kokup kinda dakon paŋmuwukbi do mandagıt. Uŋun paŋmuwukbi do tilak aŋek 'miŋat kinda gat gwakni gat' yaŋ yosok. (Gagi 4-5 do koki.) Uŋun miŋat dakon peni dakon gwakni uŋun paŋmuwukbi ae kabi kinda do yosok. Uŋun da gagi 13 non gildatni tagi yipmangaŋ.

On papia dakon gen madep toŋ uŋun Piŋkop dakon gen paŋupbal aŋek top yoŋ amin pindak kimagek amin do but dasi galak taŋ yomyom aŋpak aŋ kimotni do yosok.

*Nin Piŋkop gen tebaisi abidaŋek gen ŋwakŋwari do pindak kimotneŋ*

<sup>1</sup> Nak paŋmuwukbi dakon kila amin da miŋat gak gat ae gwakgo\* gat do papia on mandaŋ damisat. Piŋkop da gak iyi do manjiŋit. Nak asisi ji do but dasi galak taŋ damisat, ae nak giŋ dima, miŋat amin morap gen bami nandaŋ uŋun kisi da ji do but dasi galak taŋ damaŋ. <sup>2</sup> Gen bami ninon tosok, ae dagok dagogi mini tokdisak. Uŋun do aŋek but dasi galak taŋ damamaŋ.

<sup>3</sup> Gen bamikon ae but dasi galak taŋ yomyom aŋpagon Piŋkop Dat ae Monji Yesu Kristo uŋun da giŋsam dabal nandaŋ yawotni gat ae bupmini gat ae but yawotni gat da ji da egip egipmon tosok do biŋsit asat.

---

\* **1:1:** Uŋudon 'miŋat gak gat ae gwakgo gat' uŋun paŋmuwukbi kinda dakon tilak asak.

*Butdasi galak taŋ yomyom dakon anpak aneŋ*

<sup>4</sup> Dat da aneŋsi do yaŋit uŋun da aripmon miŋat gak dakon miŋat monjiyo diwari da gen bami yolgaŋ. Nak uŋun dakon gen nandaŋek but galak madepsi nandagiŋ. <sup>5</sup> Ae miŋat, gen kinda yolni do nandisat uŋun yaŋ: Nin kalon kalon amin do but dasi galak taŋ yomiŋ yomiŋ aneŋ. Gen teban uŋun kalugi dima. Ji nandaŋ gadat si wasaŋek awit bisapmon da uŋun gen teban kili abidawit da abidaŋ aŋaŋ obaŋ. <sup>6</sup> Butdasi galak taŋ yomyom dakon mibilisi uŋun yaŋ: Nin Piŋkop dakon gen tebani guramigek agipneŋ. Ji wasaŋek nandaŋ gadat si awit bisapmon da gen teban kinda nandawit uŋun yaŋ: but dasi galak taŋ yomyom dakon anpak aŋek agipni.

*Kristo dakon gen tebai abidoneŋ*

<sup>7</sup> Kosit kilegi yipmaŋ detni do paŋkewalgaŋ amin morapmi miktimi miktimi akwaŋ. Uŋun da Yesu Kristo aminsi dagagiŋ yaŋ dima nandaŋ teban toŋ. Amin uŋuden uŋun top amin ae Kristo dakon uwalni. <sup>8</sup> Do pakyaŋsi kaŋ kimotni. Pi teban aŋek yo abidawit uŋun di yipmaŋ dekbam. Pakyaŋsi kaŋ kimotni kaŋ, uŋun dakon tomni tagi timitdaŋ. <sup>9</sup> Amin kinda Kristo dakon gen yipmaŋek gen ŋwakŋwarikon kisak kaŋ, Piŋkop uŋun amin gat dima egisak. Mani amin kinda Kristo dakon gen tebai abidosok amin uŋun Dat gat ae Monji gat uŋun aminon ekwamal. <sup>10</sup> Amin kinda da abiŋ Kristo dakon gen bami dima dayiŋdetjak kaŋ, uŋun amin gildat tagi yaŋ dima iyini, ae yutjikon dima aŋkini. <sup>11</sup> Amin kinda uŋuden amin gildat tagi yaŋ iyisak kaŋ, aŋpulugaŋban pi yokwini kisi da amal.

*Kila amin da kiŋ pindat do nandagiŋ*

2 Jon 12

3

2 Jon 13

<sup>12</sup> Gen morapmi ton, mani papiakon mandak do dima nandisat. Abin dandabo gen yan nandat anej kan tagisi yan nandisat. Yan anej kan, nin dakon kisik kisik da madepsi tugosak.

<sup>13</sup> Pego dakon gwakni Pin kop da iyi do manjigit, unun da gildat tagi yan gayan.

**PIŪKOP GEN**  
**The New Testament and Psalms in the Yopno Language of Papua**  
**New Guinea**  
**Nupela Testamen na Buk Song long tokples Yopno long Niugini**  
copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

---

PDF generated using Haiola and XeLaTeX on 19 Oct 2021 from source files dated 17 Oct 2021

b683ce50-d820-5bfc-8471-d8ee080be106